



Broj: 02-03-1745/22-AP-7
Datum: 29.09.2022. godine

Na osnovu člana 12. Zakona o javnom redu i miru („Službene novine Zeničko-dobojskog kantona“, broj: 8/00, 15/03, 11/2007 i 8/08), člana 8. stav (3) alineja (17) Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06), člana 19. stav (2), člana 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22), Gradsko vijeće Zavidovići na __. sjednici, održanoj __. __. 2022. godine donijelo je

O D L U K U
o dopunama Odluke o javnom redu i miru

Član 1.
(Usklađivanje nivoa buke)

(1) U članu 4. Odluke o javnom redu i miru („Službeni glasnik Općine Zavidovići“, broj: 2/2012, 4/14 i 3/2017) iza tačke b) dodaje se tačka c), koja glasi:

„c) Svi ugostiteljski objekti koji puštaju muziku, dužni su imati ugrađene limitatore - graničnike zvuka, odnosno elektronske regulatore regulirane tako da nivo buke bude usklađen sa odredbama Zakona o zaštiti od buke („Službene novine Zeničko-dobojskog kantona“, broj: 1/2014).“

Član 2.
(Zabrana upućivanja prijetnji, vrijeđanja i uznemiravanja)

Iza člana 17. dodaje novi član 17a., koji glasi:

„(1) Zabranjeno je upućivanje prijetnji, vrijeđanje, omalovažavanje ili drugi vid uznemiravanja građana putem javnih portala ili društvenih mreža.

(2) Mjestom činjenja ovog prekršaja se smatra mjesto na području Grada Zavidovići, na kojem boravi osoba prema kojoj je nastupila štetna posljedica.“

Član 3.
(Nadzor)

U članu 19. stav (1) Odluke iza broja „17.“ dodaje se broj „17a.“.

Član 4.
(Stupanje na snagu)

Ova Odluka stupa na snagu prvog narednog dana od dana objavljivanja u “Službenom glasniku Grada Zavidovići”.

PREDSJEDAVAJUĆA
GRADSKOG VIJEĆA

mr. iur. Erna Merdić Smailhodžić

O B R A Z L O Ź E N J E

USTAVNOPRAVI I ZAKONSKI OSNOV ZA UVOĐENJE ODLUKE

U članu 12. Zakona o javnom redu i miru („Službene novine Zeničko-dobojskog kantona“, broj: 8/00 i 11/07) određeno je: „Općinsko vijeće može svojom odlukom propisati i druge prekršaje protiv javnog reda i mira“.

U članu 8. stav (3) alineja 16. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06) određeno je: „U vlastite nadležnosti jedinice lokalne samouprave posebno spadaju: analiza stanja javnog reda i mira, sigurnosti ljudi i imovine, te predlaganje mjera prema nadležnim organima za ova pitanja“.

U članu 19. stav (2) Statuta Općine Zavidovići („Službeni glasnik Općine Zavidovići“, broj: 5/08 i 5/a/2008) određeno je: „Općinsko vijeće donosi opće akte i druge akte u okviru samoupravnog djelokruga Općine te obavlja druge poslove u skladu sa Ustavom, zakonom i ovim Statutom.“

U članu 10. stav (1) tačka 2. Privremene Statutarne Odluke Grada Zavidovići („Službeni glasnik Općine Zavidovići“, broj: 4/22) određeno je: „Gradsko vijeće u okviru svoje nadležnosti donosi odluke i druge opće akte kojima uređuje pitanja iz samoupravnog djelokruga Grada.“

Zaključkom Općinskog vijeća broj: 01-04-818/22-AP-7 od 31.03.2022. godine prihvaćena je Inicijativa vijećnika Šemse Fehrića za dopunu i izmjenu Odluke o javnom redu i miru, te je za realizaciju navedene Inicijative zadužen Općinski načelnik i Služba za upravu privrede, lokalni razvoj, infrastrukturu i međunarodnu saradnju.

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Zaključkom Općinskog vijeća broj: 01-04-818/22-AP-7 od 31.03.2022. godine prihvaćena je Inicijativa vijećnika Šemse Fehrića za dopunu i izmjenu Odluke o javnom redu i miru („Službeni glasnik Općine Zavidovići“, broj: 2/12, 4/14 i 3/17) na način da se se iza člana 17. doda novi član 17a., koji bi glasio:

„Zabranjeno je upućivanje prijetnji, vrijeđanje, omalovažavanje ili drugi vid uznemiravanja građana putem javnih portala ili društvenih mreža. Mjestom činjenja ovog prekršaja se smatra mjesto gdje boravi osoba prema kojoj je nastupila štetna posljedica.“

Postupajući po navedenom Zaključku, a imajući u vidu da je online nasilje postalo uobičajena praksa širenja mržnje, uvreda i uznemiravanja građana bez ikakvih posljedica, neophodno je donijeti odluku kojom bi se takvi postupci spriječili i sankcionisali.

Obzirom da su stanari zgrada u kojima se nalaze ugostiteljski objekti, kao i stanari zgrada u blizini ugostiteljskih objekata u više navrata podnosili peticije za promjenu radnog vremena u ugostiteljskim objektima zbog narušavanja javnog reda i mira, te imajući u vidu učestale prijave narušavanja javnog reda i mira ovom Odlukom se određuje obaveza ugostiteljskim objektima da imaju ugrađene limitatore - graničnike zvuka, odnosno elektronske regulatore regulirane tako da nivo buke bude usklađen sa odredbama Zakona o zaštiti od buke („Službene novine Zeničko-dobojskog kantona“, broj: 1/2014).“

U Nacrtu Odluke o izmjenama i dopunama Odluke o javnom redu i miru je bilo određeno da će se ugostiteljskim objektima vrste noćni klub i noćni bar ograničiti radno vrijeme do 02:00 sata.

Na 3. sjednici Gradskog vijeća, koja je održana 30.06.2022. godine bilo je primjedbi na navedenu zabranu rada ugostiteljskih objekata u noćnim satima tj. do 02:00 sata.

Također, u periodu trajanja javne rasprave dostavljene su primjedbe, koje se tiču zabrane rada ugostiteljskih objekata vrste noćni klub i noćni bar.

Uvažavajući navedene primjedbe mijenjana je odredba kojom je zabranjen rad ugostiteljskih objekata u noćnim satima, kako je to bilo određeno u Nacrtu Odluke o javnom redu i miru.

OBRAZLOŽENJE PRAVNIH RJEŠENJA U ODLUCI

Izmjenama i dopunama Odluke o javnom redu i miru („Službeni glasnik Općine Zavidovići“, broj: 2/12, 4/14 i 3/17) u članu 17a. utvrđuje se zabrana upućivanja prijetnji, vrijeđanja, omalovažavanja ili drugi vid uznemiravanja građana putem javnih portala ili društvenih mreža i mjesto činjenja prekršaja, te nadzor nad sprovođenjem ove odredbe.

U članu 4. Odluke određeno je da je za rad ugostiteljskih objekata neophodno imati ugrađene limitere zvuka

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provedbeni mehanizmi i način osiguravanja ove Odluke su nadležni nadzorni organi, koji u okviru svojih ovlaštenja provode nadzor nad primjenom Odluke, te izriču sankcije za nepoštivanje odredaba Odluke.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke nije potrebno planirati finansijska sredstva u Budžetu Grada Zavidovići.

OPIS KONSULTACIJA VOĐENIH U PROCESU IZRADE ODLUKE

Prilikom izrade ove Odluke konsultovani su propisi navedeni, koji su pravni osnov za donošenje Odluke.

Također je po Nacrtu Odluke provedena javna rasprava te je nakon sumiranja rezultata javne rasprave došlo do izmjene člana 1. u Prijedlogu Odluke u odnosu na Nacrt Odluke kako slijedi:

Član 1.

(Usklađivanje nivoa buke)

(1) U članu 4. Odluke o javnom redu i miru („Službeni glasnik Općine Zavidovići“, broj: 2/2012, 4/14 i 3/2017) stav (1), tačka b) mijenja se i glasi:

b) u ugostiteljskim objektima diskobarovi, diskoklubovi od 02,00 do 06,00.“

(2) U članu 4. Odluke iza tačke b) dodaje se tačka c), koja glasi:

„c) u ugostiteljskim objektima noćni klubovi i noćni barovi, koji posluju van kolektivno-stambenih, stambeno-poslovnih objekata i van naseljenih mjesta u zatvorenim prostorijama, od 02,00 do 06,00.“

(3) U članu 4. Odluke iza tačke c) dodaje se tačka d), koja glasi:

„d) Svi ugostiteljski objekti koji puštaju muziku, dužni su imati ugrađene limitatore - graničnike zvuka, odnosno elektronske regulatore regulirane tako da nivo buke bude usklađen sa odredbama Zakona o zaštiti od buke („Službene novine Zeničko-dobojskog kantona“, broj: 1/2014).“

GRADONAČELNIK

doc. dr. Hašim Mujanović

Obradila: _____
(Amira Šibonjić)

Kontrolisala: _____
(Džeraldina Miličević)